

四庫全書

集部

欽定四庫全書

集部

翠微南征錄卷

七至十一

詳校官庶吉士_臣瑚圖禮

主事_臣呂雲林覆勘

總校官進士_臣朱鈐

校對官中書_臣牛稔文

謄錄監生_臣錢萬光

欽定四庫全書

翠微南征錄卷七

宋 華岳 撰

七言律詩

有觸述懷

翠微以許直取怒於人多矣士大夫有始若加禮而終乃怒然不顧者深

切悼之

英雄還要識英雄不識英雄總是空
投鼠在人當忌器
見鴻非我獨彎弓情從忠佞分輕重
事戒恩威戾始終

說與翠微休截截三緘從此更須工

巖桂

建人以盆蕙為重巖桂夾道動徹數里不絕反以為常亦故貶而抑之

西風吹老碧蓮房萬壑風流拆麝囊
肯教盆蕙壓秋芳月中有女曾分種
世上無花敢鬪香
要識仙根迥然別一枝開傍鄰家牆

偶成

一別京華近十年此心無日不悠然
嗅梅得句天然巧把酒開懷地自偏
鐵硯不須兵十萬銅盤何用客三千

功名自有風雲會，不遇風雲毋自煎。

寄王士貴

士貴別去一載不聞動履之詳客自小峯來知近況甚佳作詩寄之

畫橋相送百花春，轉眼孤鴻逐斷雲。
別後有誰能顧我，客中無日不思君。
風前花影嘗興念，月下桐聲久不聞。
見說近來多好況，一書無惜寄云云。

發書與幼弟及坦齋

次寧子剛韻

風煙世事不堪聽，勿謂封侯勝白丁。
老眼隔年新舊歷，歸心連夜短長亭。
一聲蜀鳥驚胡蝶，十幅蠻花寄鶻鷄。

更向坦齋夫子道近來雙鬢已星星

寄王清之

清之名度入吳德夫幕置句漢上項平甫疾之清之贊于長沙間整歸鞍

故有相勉
推挽之意

封書漢上寄清之却恐清之漢上歸千里謾懷明月共
寸心常伴白雲飛湘妃有淚能斑竹周士無心戀采薇
安得一緘飛海嶠與兄聯轡上淮淝

感應王祠

翠微紫牢城凡一歲籌城中有感應祠至靈遇有禍福神夜預告有若響

應因捐囊繪靈神之容儀而祠奉之

如神正直獲縲囚當代公卿總合羞疏紙未燒謀已遂
爐香方熱病先瘳乞靈屢假三更寐釋縛常封萬戶侯
待得有勲書竹帛一封當為薦宸旒

寄張舍人

時舍人提
本路獄事

萬冤無計徹天衢三尺金科謾卷舒公不戴星馳駟馬
民將指日就枯魚黃堂宴妓不留意丹陛慮囚空有書
見說羣烏廣瞻聽如何公論尚躊躇

禱富沙

欲發部使
者書致禱

十年蹤跡淖泥沙為炷靈香禱富沙萬里無由詣霜闕
一書聊欲為星槎解驂許我來齊晏釋縛從君問左車
他日橫飛上麟閣行祠當為建京華

謝劉判院

判院以綿
衾見惠

細軸濃雲寄矯齋蒲團和氣忽驚回一牀浪捲芙蓉皺
十幅香重錦繡開不怕夜寒侵斗帳却愁春夢到陽臺
感恩未作瓊瑤報先把新詩寄小梅

寄荅溪故人

昔年分袂雪川東繫馬花梢撲亂紅解珮送行情怏怏
舉盃言別恨匆匆中人以上誰知我北斗以南惟有公
此去東閩有良便一書無惜慰羈窮

不禱

收宗卿書江淮有撒不至扣之廟食者不驗

不炷靈香不誦經兆盃籤榜總欺人窮通只合從天地
禍福何須問鬼神命到死時生莫偉事當直處曲還伸
從今若問開先事桃李無言二月春

送提舉陳工部

自福建召入

金剛經
卷七
溪風拂拂卷征衣
溪上攀轅恨馬遲
蝗不入閩今已矣
碑無留峴古求之
泉知送客聲猶咽
燭昧留人淚謾垂
願速長沙還賈誼
為公江上斬鯨鯢

悉事

金幕諸丈不能奉
朝旨作詩愧之

欲歸未去兩紛紛
何事回天力未加
九牧誰為十羊主
百冠當念一人髻
肘邊有石心雖切
腰下無錢手謾叉
千萬有人逢伯樂
為言龍種尚盤車

呈陳信父

用信父
生朝韻

老來百計總無成
當路時官懶問名
國事只將心事比
今人難作古人評
蒼頭笑我樽無佐
白髮欺人鑷又生
惟有建溪知客意
過灘時作不平鳴

寄江子崗

秋中拜書子崗至
節無報作詩訊之

秋夜封書上子崗
別來化日又舒長
只知電燭兩經月
不覺星毛半欲霜
竹葉照人凝盞滑
梅花撩客透籬香
知他詩債曾償未
料得尋春日日忙

書太乙編年卷尾

編年自紹興上元甲子始至
今中元甲子截日其餘皆未

來歷

年來太乙犯咸池三式編年事可疑西北膏腴從脯腊
東南皮肉恐瘡痍堯天日月期無已邊地煙雲歲有之
更向江湖問同志中原何日是歸期

怒成

在建聞侂冑
自怒師旦

舌端豪氣吐長虹四海一身無處容不向北山求刺虎
便從南海學屠龍鼎須劉闢方成器劍到魏齊那是鋒
欲抱不平朝玉帝夢魂飛上祝融峯

褚衾

次劉子
長韻

霜風剪水作冰花，織出吳綾不用梭。
十幅曉雲藏處士，一牀秋水浸嫦娥。
直疑天上無青女，却信人間有睡魔。
更向屏山畫梅竹，紅塵還有此風麼？

勉趙法曹

法曹以詞賦明經，屢首監漕，初尉贛之石城，比歲不登，茶寇鹽商存在，肅

集法曹招集豪傑分道掩捕，雷馳電掃，隨即撲滅，因識江湖之士，次任達安法曹，明年復為南省鎖試，第一不願易授，持終建安任，又明年發兵上邊，時卿有薦趙于幕府者，江湖之士多歸之。

銀黃河海浸崆峒君獨軒昂萬派中北鄙虎牢今予產
東山狼跋古周公固知魯衛封同姓合向燕秦策異功
我欲誓江同擊楫中流不惜伴英雄

獄中責廷尉

廷尉黨權勢而無
公論以詩責之

重門有路透泉關便合摳衣問比干愧我直言難媚竈
從渠怒髮自衝冠烏臺有月身何及犴獄無天淚謾彈
自恨不逢包孝肅此身那許報平安

吾中不是不冠儒曾被儒冠幾誤予鐵硯不磨天地軸

毛錐難復帝王居當傳衛霍無傳秘却著韓曹不著書
堪笑蒼生無眼力不知豪傑在樵漁

挽戚虛中

虛中嘗從老氏之學無歲不為廬山之遊治生仰給於藥府與翠微有林

泉之契

夢裏匡廬興未闌轉頭世事已辛酸肥家有術疑非藥
漉酒從人笑不冠鴈序向人羣已失鳳雛過眼影何單
不堪回首原頭路一塢松楸生暮寒

寄廬進士

廬子防有能問二十年之契近忽以詩自廣信見慰

丈夫策定在吳鉤，浪把橋門作勝遊。
綵筆誤人隨驥尾，錦標還我占鰲頭。
關山夢寐三千里，竹帛功名四十秋。
安得九重容借箸，盡將軍國為前籌。

九日言懷

次劉功父韻。功父為江湖頌袖，初有聯鶴之約，既而裴符入塗，不識所在。至是方以詩見貽，次韻報之。

淒淒天氣間炎涼，破帽翻風客鬪狂。
酒味暗消黃蘗辣，鴈聲喚得菊花香。
三京昔擬恢同軌，九日今猶客異鄉。
更仗阿誰上沙漠，為予申意郭汾陽。

呈鄱陽趙及甫

及甫慷慨為江湖稱
名在宗室七英之列

不學炎涼不自謀
動和權勢作仇讐
筆鋒帶怒搗山岳
劍氣銜冤射斗牛
龍虎榜中當擢第
麒麟閣上合封侯
功名未入男兒手
誰肯甘為郡督郵

九日溪樓遠望

故人王仲格
有詩次韻

西風寥落做重陽
人在東南水一方
地僻阻它鴻鴈信
天寒撩我菊萸觴
江澄素練魚翻赤
葉剪紅綃
蟹結黃不是倚闌迷望眼
欲憑歸鴈問蘇郎

詆董寺丞

董詣獄問囚罪微款以詩董揮淚而出

神首羅睺欲蝕天
彎弓直造玉皇前
九重不忍誅林甫
一札翻令圜馬遷
投鼠固知當忌器
得魚誰敢便忘筌
吾今一死初無憾
願把孤忠托孟堅

寄小王徐子晉

子晉去唐城二百餘里此拜書二潘

十載長沙路二千
歸心日夜在長安
居家有譽眉空白
應闕無謀心謾丹
獲鴈不聞蘇子信
沐猴徒笑楚人冠
馬蹄恐有唐城便
為把功名問二潘

獄中作

壯士剛腸不受冤，髀可斷志難干。
越仇未報薪當卧，漢賊猶存缺謾彈。
情款不從囚口責，炎漿難塞吏腸寬。
何當盡滌姦邪血，染作衣裳看孟安。

池亭即事

蘭坡有心字韻和者百餘人索賔以此塞責

春風恰恰破桃李，池館無人一徑深。
鷗刷斷翎擺水面，蝶拋殘粉出花心。
詩懷攪我丹心破，節物催人白髮侵。
流水伯牙今已矣，世間那復有知音。

南劍水閣

次權府
郎中韻

欲向津頭問鏤鄒一潭秋水漫煙霞畫屏對客景藏景
芳樹壓溪花照花有策廷爭慚賈誼無功廟食笑張華
夜深霹靂轟雙劍驚起延平十萬家

丹青閣

辛稼翁三十餘客
登高賦詩為樂

閣上闌干紫翠環閣中身世異塵寰長虹吸月印秋水
孤鷺伴霞量晚山萬里風煙屏帳裏一時人物畫圖間
凌烟須是男兒事却恐功名未放閒

折桂園友人宴

當塗郡圃名折桂同舍宴餞于中達旦而別次申無咎韻

牆頭羅綺碧雲濃
牆外鞦韆電掣空
蝴蝶拍開花面粉
鷓鴣吹落杏腮紅
翠裯不卷珠簾月
蠟燭還搖錦袖風
醉眼不知塵世有
直疑身在廣寒宮

夜步水西

建邺未嘗出郭至是方有水西之行

半趺

音颯

芒鞋過水西樓臺
燈火未多時
山羞見我頭頭

轉月怕拋人步步
隨楓葉卷愁秋去
早溪聲翻笑夜歸
遲柴門只解關煙
雨不隔離愁些子兒

酒樓秋望

西風吹客上闌干，萬里無雲宇宙寬。
秋水碧連天一色，暮霞紅映日三竿。
花搖舞帽枝猶軟，酒入詩腸句不寒。
古往今來恨多少，一時收拾付盃盤。

臨清閣

臨清老球上人素有
風月之譽因以箴之

闌干古木瑣青蔥，
闌外簷花灼半空。
萬里好山春黛碧，
一溪流水暮霞紅。
遯疎不礙東西月，
帆過始知南北風。
試問支郎一樽酒，
好天良夜與誰同。

思故人

翠微在建思蜀
道襄漢故人作

十載無人問益之誰于歎唾覓珠璣
而三千里家何在
三十六峯人未歸
將謂抱薪能救療
果然畫餅不充饑
東川恐過連榮祖
一笑不須論是非

翠微南征錄卷七

欽定四庫全書

翠微南征錄卷八

宋 華岳 撰

七言律詩

有激呈江聖與判院

次聖與韻

不郊不國不吾廬
兀兀騰騰十載餘
頸昔已逃三尺劍
腹今猶秘九疇書
齊牛難藝吳元濟
賈鵬何慚董仲舒
只合三緘且鉗口
一蓑歸去伴樵漁

與楞伽老瑛上人

久不得楞伽書遣人問訊終有覓柴度臘之詩

勿謂年來世道艱都緣彼此不相參
一生知己有千萬十事從人無二三
紅杏無檀堪拱北白蓮有社結和南
扁舟若有東歸便斷竹枯松寄一擔

呈王子蒙隱者

子蒙賜詩次韻

國士還須為國憂肯同兒女作身謀
存無補世亡無異生不驚人死不休
秦鹿須還屠狗逐楚猴猶為爛羊羞
如今若論西都事却與中唐風馬牛

夜讀離騷

次陳德
欽韻

楮衾封冷白凝霜展轉無眠夜未央
風欲送愁先卷帳
雨嫌多夢故敲窓
自慚鼓瑟投齊好
謾接歌興效楚狂
起把離騷讀幽悶
楚詞還似楚江長

倪尚書生祠

翠微以丙寅春被命南下建安守
王君告老別駕兼領都事四戎兩

院淹禁數百人因思先生不復至此自惜
其下文不早亡也謹以五十六字行壁

聞說先生入建都
一年民樂吏清癯
四廂夜月封朱戶
兩院春風鎖翠蕪
一旦有書追駟馬
萬冤無計徹羣烏

焚香再拜祝公壽問有清朝賞罰無

秋晚述懷呈薛子長

九江薛子長訪以詩見慰次韻

一壘香醪一曲琴得相尋處且相尋
盃寬却怪青山小坐久不知黃葉深
當路星輶已鉗口異鄉風物更關心
何時繫艇秋江上醉卧蘆花雪滿襟

雙桂堂

江穎伯有堂名雙桂詩多矣求和謹次其韻

月姊親移入慶門廣寒今是並肩人
分他蟾窟雌雄種作我螢窓南北隣
傲竇雖慳三樹玉比詵斲剩一枝春

主人便好鞭黃鵠，斫取魁梢謝紫宸。

憶弟妹

入建三載烽火
轉徙不聞動靜

別來三載客東南，始信人生聚首難。
眼底不聞鴻鴈信，鼻頭常為鶻鷃酸。
問天不語語徒厲，慕地上心心類剗。
安得春風吹馬首，卧聽行列報平安。

責逋

二首邑宰欠鹽直千緡漕迫甚急欲以三
分之一塞責逋幕有黨宰者反十邑幣之

虛乃作詩
以記其事

索逋無術謁公門，豈謂公門反捨神。
令尹韋馱三百索，

癡兒猶戀一千緡如今索手方知錯自此甘心莫怨貧
不是恩波不旁洽五窮無奈苦隨人

刳腸植粟餒官牛牛骨成塵粟未耐何事蓮參猶閣筆
反憐花縣若虛舟李公素重千金諾膠鬲當貽萬世羞
願効相如還趙璧莫教顏色嘆牀頭

送趙右秋

二首 右秋婺州人立志孤高當時公卿殊無推轂成就之者因惜其無

知遇而去特作
二律以送之

梅花飛雪滿洲洲上行人去莫留蠟炬結花催管籥

鴈聲喚客上蘭舟莫嫌冰炭情難入自是薰蕕味不侔
執節從教少知遇勿于世路學沉浮

閩藩齊指右參軍玉骨清無半點塵一味恤刑常召禍
十年游宦只憂貧園陞月照金波夜寒谷花開玉樹春
客子與君雖素昧一時聊記子張紳

牢城言懷

建人吳子彰以
詩見慰次韻

重城不隔世間塵箇裏無花別有春冤鬼夜隨風雨泣
病囚時作犬羊呻雷霆不霹欺君賊婁宇偏凌為國人

欲問老天天已老料應無說為數陳

贈楞伽老瑛上人

楞伽瑛常以詩稱于諸卿向遇之于西關老復以詩來見

因次其韻

無聊斷梗撥寒灰門掩霜風客自推
急下火爐叉手接便將布袋解頭開
拂牀展卷呈詩藁炙盞分茶當酒盃
別後逢人須問訊楞伽曾倩寄書來

謝忤判院惠米

忤文諱彥輝任建安府屬向以事繫牢城復被撤還任不相忘

以來見惠作詩謝之

溝壑膏粱總自招，仲尼陳蔡亦囂囂。
不逢魯肅千囷指，空折淵明五斗腰。
孤竹二饑知我意，蒼梧一飽為君謠。
從今隻手摩挲腹，却向顏門問一瓢。

除夜大雪

丙寅除夜得春瑞雪大作時有襄淮之勦因記夜半入蔡之事使人振腕

不寐時在建
三除夜矣

青帝明朝下玉京，先教滕六掩車塵。
梅花笑我三年臘，椒葉爭他一夜春。
烏角觸簷鞭墮玉，馬蹄印路杭拋銀。
何當夜縛吳元濟，去作中興社稷臣。

呈毛南仲

南仲之居名曰沙坑在松溪浦城之間南仲賢者好賓客有鄉里之譽因

由江水過門南仲出見有終夜之歡呼
二子聽琴翌日而別作詩南仲感謝

暮宿東溪一草堂倦和衣屨卧繩牀夢隨鷺去遼天濶
夜到雞鳴剗地長早起不須禽為喚多憂誰謂草能忘
清閒却愧毛南仲醉卧西窓一枕涼

除夜

二首○丁卯歲夜坐齋閣因思二年以來
除夕皆坐不辜之獄復事君子道長即有

拔茅連茹之慶

纔辱東皇造化工便隨飛鵲報簾櫳人間狂狷知無所

天上蓬萊還有宮酒色半澄春後綠蠟花全折夜來紅
從今泰道能連茹願駕蒼螭躍震風

吳鈞不是怒鯨鯢夜半劉琨屢舞雞十載載春游太學
二年年夜宿園陞楚盤未必資毛遂周粟如何飽叔齊
塵世功名儻來爾無言桃李自成蹊

呈富大卿

大卿名瑄鄭公六世孫詣獄
以詩示之卿為感嘆垂淚

司農未曉報龍樓昨夜中天貫索流石父不逢齊子相
馬遷空作漢家囚銅壺滴碎短長夢鈴索拽翻新舊愁

安得君王賜歸騎一塵投老大江頭

雪中呈劉子冲

子冲嘗為東山之游因嘲之

朔風卷水入天渠剪作飛花散六虛
竹本無聲綠葉密梅因有影怕花疎
路從玉鑑上頭過家在冰壺裏面居
欲作一詩撩謝女不知為況近何如

雪中有戲

是歲有神馬坡樊城之役辱
桐柏柳元用賜書以寄之

一夜風神揭海神盡將純素掩丹青
四圍白壁成千嶂萬里紅塵沒一星
搭岸柳條橫玉帶壓牆梅萼上銀屏

好將今日平淮策說與當年李愬聽

憂世寄清溪友人

丙寅冬任建
開遠音作

廟堂無計息干戈國士銜冤未汨羅尺五指天均日月
八千里地舊山河人無遠慮心徒切里有新喪巷不歌
況是十年芹泮客倚闌尤覺淚滂沱

朝曹掾友人

曹掾有友人者每對客云待次幾年所費錢千偶承惠詩持次其韻

微寓歲
切之意

世態年來日日新宦途澆薄更驚人關期動徹連三政

選調無疑費百緡是吏有囊盛短卷非財無藥療長貧
參軍也勝陶彭澤且糶官糧醉幾巡

囚中記貧

翠微在西關有客送僧字顓詩求和方思索問同邨有陳子昭者語及世

故渠有志公不是閒和尚之語就廢其韻

英雄不遇不憂貧獄吏從教喚不應煮飯只燒沽酒鐘
讀書權借守囚燈堪嗟世事危如卵無怪人情冷似冰
勿謂功名成倖致志公終不是閒僧

送倪尚書歸雪川

尚書自三山罷歸

筆麟圖鳳久無聲何事權輿復見今魯祭不因夫子肉
齊卿難奪孟軻心我公去就何為重吾道興亡所繫深
安得斯文天未喪載歌狼跋繼遺音

五言律詩

宣城道中

次壁石湖宣
界地名間韻

躍馬上宣城千山翠欲顰蕙風輕卷舌櫻雨細沾唇柳
絮難驅臘榆錢不買春何如澆一斗爛醉石湖濱

當塗道中

次為子楊
新林韻

金定日 卷八
春晴不慷慨十日九清陰蝶宿花留粉鶯眠柳借金邊
塵方障眼漢壁尚關心醒去愁無奈盃行滿滿斟

壽昌道中

別劉仲方仲方以詩言別次韻

山斷疑無路林開覺有村
饑牛戀茅隴吠犬護柴門
悶去詩十首愁來酒一尊
明朝南去路懷抱與誰論

別王泰之

道自小峯謁泰之翌日以詩言別

風神戀行客吹柳纏簪纓
傍水鳥多白近山蟬更清
別腸雲閣淚歸路月關情
告德無多日清觴聊一傾

遊溪西寺

次府判
湯丈韻

寺覺重遊好僧期後會
賒青蟲彫病葉白鳥篆平沙水
瘦石生齒山寒梅未花功名今有待且謁惠公茶

登樓晚望

次宋帥
幾韻

疎雨洗空碧晚晴人倚樓
稻花千頃浪楓葉一簾秋
遠岸明殘日孤村認小舟
溪山如愛我相見亦回頭

安分呈李竹齋

次李竹
齋韻

風雨思君子煙霞憶舊遊
一區山水國萬里帝王州
臘

金華山人詩集 卷八
壺香浮玉春旗雪滿甌安貧隨處樂此外復何求

拜茶

漕建者貢茶于京
城則率百官拜之

北苑春將半星槎欲奏功杵鳴千白雪鎗卷一旗風蓋
錦鸚毛翠簽羅象眼紅封成拜玄鶴飛上紫微宮

邸食責庖者

建安邸中費
者不善治食

陋邸已無味庖人更不材盪炊全做粥燒爇半成灰添
醋酸綿齒研椒辣木腮何時聳堂臈香霧霑樽罍

秋意

次項子
禮韻

木剪空山瘦西風掃落黃荷殘簪失蓋菊老餅還有詩
盡情尤濶愁多夜更長悶懷無處著隨鴈落瀟湘

書堂遇雨

翠微向有書堂遇雨押承字韻和
者盈軸近承菊峯送至復有廢韻

風疊雲成片溝搓水作層濕書移案避添硯就簷承瓦
擊聲疑電窻低暗欲燈須臾西漏日晴意慢騰騰

翠微南征錄卷八

欽定四庫全書

翠微南征錄卷九

宋 華岳 撰

五言律詩

矮齋

西閣屋最敝陋上不蔽風雨下不避塗潦其偏有數尺之室僅可置身簷廈去地不

遠不能直腰而出目曰矮齋

屋老塵生索榻低
帳不緜炙燈煙染棟
見客帽翻簷織
壁慳三尺遮門斷
半簾吾身交九四
控制萬愁兼

容膝

矮齋之側有
處曰容膝

具體功非遠全軀恨已消
安禪須促膝覓句敢成搔
悔不身齊足時當事半腰
行人只蒲伏何處得逍遙

野飲呈祝山甫

次祝山
甫韻

野景何須買山花不待培
幕天分古木裊地得蒼苔
酒上鶯調曲看空鵲墮梅
一壺隨所適何處問蓬萊

題練省元壁

次日出
福建界

脚債嗟猶欠心朋喜偶逢
溪聲含客怒山色為誰濃
古

樹晴搖蓋殘蟬晚帶鐘莫辭一樽酒明日是吳儂

南浦客邸

南浦客邸
遇雨半月

南浦半月雨溪流暗沒沙斷橋虹散綺拍岸雪飛花孤
館客無夢短蓬人未家何如擁紅日照我上筠車

借景樓

翠微居建新市萬花間之客至命酒則
四壁笙簫之聲間發我坐馮著明日曰

借景言其皆非我
有也有詩次韻

朱箔鈎新月平闌架落霞百錢呼酒炙四壁聽笙笳翠
映誰家竹香飄何處花功名未歸我且此寄生涯

宿水陸寺

送陳二部上建陽屈水陸寺

蕭寺廊廡濶無人，獨自行吳儂。非好僻楚客，為誰清花
落。憑風掃燈殘，借月明江湖。有烟浪且此寄餘生。

呈魯伯瞻

伯瞻有詩次其韻

信斷無青鳥，盟寒有白鷗。悶和詩作首，愁聽

水

滴蓮花曉。山空桂子秋，功名有期會。教

闕

浦城買舟

菊節日買舟南
下諸友皆屈舟

微雨催行旆，西風送客舟。

闕

浪

激花翻雪山涵影浸秋前灘

闕

歸興呈吳夢祥

次吳夢祥韻

魚鴈音書少關山夢寐遙對花思粉面遇

闕

喜

意鵲應報歸心馬更驕西風綽鞭韃飛

闕

秋晚即事

次黃巨瞻韻

秋宇清如洗秋宵分外長寒雞鳴午夜征鴈喚重陽楓
葉已全赤菊花纔半黃不知秋幾許試與問蘇郎

呈李景山

次楊次杜韻

居靜心嘗樂愁多鬢不禁買舟和月載把酒對花斟白
水有深淺青山無古今從茲得真趣消盡利名心

小圃

舍後丈地
開作小圃

舍北有餘隙平褫作小園花存四五本竹種兩三根風
伯倩搖珮月娥煩佐尊誰知方丈裏別有一乾坤

村居

次臧仲武韻
時在雙瑞

莫怪村居僻村居亦可嘉僕羸腰帶艾婢倩鬢簪花歌
罷蛙催樂酒闌蜂報衙門前少車馬慚愧五侯家

宣城道中

次壁
間韻

恰到杏花天轉頭過禁煙燕歸繞數日鶯起又三眠少
智慚樗里多材憶孟堅功名且隨分無苦自咨煎

過新豐市懷古

新豐乃太白舊游
書堂今立道旁

路出橫江去虛堂立道偏雨聲楊柳外風色杏花前有
淚沾詩宿無歌迷酒仙采江千古恨號認向誰傳

買舟浦城

自浦城買舟入
建得一小艇

畏路逢危路尋舟得小舟始云為得計終乃復添憂艖

狹難伸足蓬低怎舉頭十圍無處著跼促向中流

憩妙因寺

次王有道
先生韻

蕭寺寒山外崎嶇一徑幽斷雲迎客入曲水護堤流木
石四時古軒窓五月秋午煩聊小憩拂石為支頭

再繼前韻

俗塵方倥偬得得訪清幽煙練素疑抹山屏翠欲流松
筠掃日月藤蔓懸春秋物外有餘樂吾生空白頭

七言絕句

讀漢史

閱紀信
韓信傳

漢將假帝為真帝齊乞真王作假王大抵紀韓皆是信
不知誰短又誰長

寄王五四將仕

將仕乃清之弟寓廣信歲在戊辰以其兄之事來告徘徊久之

臨別以二
絕餞行

季叔青天轟霹靂屈原平地溺波濤從教晉楚多戕賊
二子何曾損一毫

周田且謂曾占易商野何嘗識夢書假使二君無感召

不成終老在樵漁

約叔真

二首○叔真孤高山林自葛峯來見從游兩月傍徨不忍去作詩送之

半間屋抵斗來大一箇身同山樣高側坐斜眠俱不得
煩君除去一牛毛

厄堂有事留司馬凌閣無名問大宗我且盤桓君且去
歸斯千載約芙蓉

題憲間

夜起讀書有感題憲

陽虎不名真盜玉子張何事便書紳聖賢立論有微旨

精義當求妙入神

過西溪

道經西溪僕馬痠瘡解珮青帘一醉而去

路隨馬足難知數山疊魚鱗不記名隔岸青帘人不渡
一溪流水暮潮生

題蓮華壁間

次蓮華壁間李次高韻

風外落花千萬片水邊啼鳥兩三聲無情驚起陽臺夢
獨倚閒窗看月明

贈呂元玘

元玘居分水道旁

周末見人歌采芑楚先聞客賦離騷胸中有氣不能吐
空使虹蜺萬丈高

初抵富沙

二首

芳草不隨春水綠連山猶帶夕陽明人生有酒且行樂
休向河梁問子卿

鞭鐙兩三千里路樓臺數十萬人家長虹不吸秋江水
一葉扁舟飛雪花

呈周及之貢元

及之居三衢
山中留宿

一頭却過六七嶺兩足幾乎百十斤
恰喜故人能下榻
樂憲樽酒細論文

寧川冷渡

次壁
間韻

峯回路轉六七里
林靜鳥啼三四聲
游女不知行旅恨
一茶留我話平生

宿灌頭

次壁
間韻

淡魚纔煮鹹魚熟
白酒新篘紅酒香
莫訝盃盤成草草
一年忙處是蠶桑

南浦水閣

南浦橋之西有閣臨水同舍宴岳其中麗人不知行客南征之役乃有棹

花臨水相朝之意成二十八字

橋橫南浦虹千丈柳護西溪翠一行佳麗不知滋味惡
插花臨水照紅粧

秋晚獨步

次劉彥禮韻

十分秋色著崑桂幾陣晚涼催井桐自恨異鄉知遇少
一樽相屬與誰同

後溪

二首

蓬窗夜雨短長夢啼鳥喚人新舊愁萬里論文一樽酒
醉和明月上扁舟

泉聲恰似世情惡山色不如歸興濃自恨十圍無處著
何如瘦作束腰蜂

楊花

一絲不染湖光白萬點能回山色青三月金明池上水
與予同是一浮萍

杜鵑

殘月照愁人病酒好風吹夢客思家欲知亡國恨多少
紅盡亂山無限花

悶述 二首

鴈翎未忍刻丁謂虎口猶期脫蔡京何事姦邪皆倖免
洛陽年少却南征

有鼎不烹姦黨肉無刀可斷佞臣頭男兒此等不平氣
空使銜冠射斗牛

酒禁

次項仲山韻朝軍
民不許交飲之禁

將軍愛士民心失太守憂民士氣衰大抵軍民皆赤子
如何從此便藩籬

贈美人別

次男氏蒙
鼎才韻

花臉送愁和露泣鶯聲傳恨向人嬌別情遠去尤難割
相送不須離畫橋

寄宗上人

上人名正宗向以能
詩得度牒今在投子

我為扣閤拘狴犴汝將吟筆換袈裟別來猶記松窻外
一掬清泉自點茶

寄趙及父

久不得及父安問忽有自楚東至者便以詩寄之

欲邀詩社同蓮社為築將壇并杏壇圖得有材皆命世
不隨風月報平安

有感

千困未必將軍喜五斗難消令尹愁若使淵明逢魯肅
折腰應到脚跟頭

桃花

紅雨隨風散落霞行人幾誤武陵家牧童若向青帘見

應認枝頭作杏花

弦月

人間離別最堪憐
天上嫦娥恐亦然
昨夜廣寒分破鏡
半奩飛上九重天

翠微南征錄卷九

欽定四庫全書

翠微南征錄卷十

宋 華岳 撰

七言絕句

白面渡

在池陽之西五十里村人皆不曉白面之義因詩其事

繫船白面問溪翁
名不虛傳說未通
祇恐當年溪上女
浣沙時節懶勻紅

田家十絕

十幅生絹一墨池盡收好景入屏幃會須少緩丹青筆
更倩牧童橫笛歸

其二

農夫日炙面如煤絲婦纈成雪一堆早早安排了官稅
莫教耆長上門催

其三

老農鋤水子收禾老婦攀機女擲梭苗絹已成空對喜
納官還主外無多

其四

雞唱三聲天欲明
安排飯碗與茶瓶
良人猶怒催耕早
自扯蓬窗看曉星

其五

緋袴青衫紫繫腰
攬衣隨過水平橋
雖然不識風流事
也向人前學逞嬌

其六

村獃奮迅出籬笆
欲吠還休喚可拏
不是忘機太馴狎

金史卷之八
卷十
那回曾宿那人家

其七

畫眉無墨把燈燒
豈識宮粧與翠翹
堪笑東風也相謔
暗牽裙帶纏去聲人腰

其八

鬻魚炊糝作荷包
宿飯無湯煖酒澆
放枕出門行一匝
小溪新漲已平橋

其九

麥飯瓜虀及早催田夫雙眼望儂來油鹽不倩傍人帶
日午癡兒猶未回

其十

拂曉呼兒去採樵祝妻早辦午炊燒日斜枵腹歸家看
尚有生枝爇未焦

春夫

糝糠粒粒裏真珠玉杵春來白有餘待問姮娥借金鼎
等閒令汝作蟾蜍

新市雜詠

十首○建安人物風流市井華麗紅紗翠蓋常無異于花朝燈夕長篇短

句形容一時之盛翠微之前未嘗見之惜葉帖散落不多見耳

雲鬟煙鬢縷雙鴉
一搦宮腰柳帶花
試問行雲何處覓
畫橋東畔是奴家

其二

翠翹佯醉倩人扶
約我文君賣酒壚
解珮向人陪笑問
一盃容妾佐樽無

其三

恰把青荷挿髻鴉
嗔人偷眼過窻紗
一盤珠翠俱拋擲
却向枝頭摘杏花

其四

遲遲蓮漏不相催
亭館無人午夜開
風欲捲簾花影動
夢魂疑是故人來

其五

小橋相見便相親
猶帶西湖陌上塵
欲買一樽聊款曲
歸遲還怕小蠻嗔

其六

不帶冠兒不插花過門佯把扇兒遮
嗔人貪數天邊鴈
失記回頭喚喫茶

其七

青衫搵淚向人啼
妾本秦樓浪子妻
流落南州歸不得
青樓今在畫橋西

其八

一年不訪李紅娘
今日過門意已忘
嘶入畫橋東畔路

紫騮猶記舊垂楊

其九

花牋得得寄瀛洲約我今宵特地留
好笑蒼頭迷去路
綠楊無處認青樓

其十

朱門粉壁謫仙家柳外鞦韆襯落霞
一澗碧雲流不去
木蘭舟繫木蘭花

花村

二首○寧川花村初謂紅紫之地
問山翁云村人花姓因曰花村

問宿花村喜有餘已拚花下倩人扶牧童不見枝頭杏
空向青帘問有無

夜宿花村不見花數間茅屋瞰溪沙山翁不是通名姓
幾誤河陽令尹家

過番陽湖

翠微訪趙貢元于番陽湖之中方及
中流風濤大作篙師束手翠微恬然

哦一絕
而止

北風翻雪鼓雷霆舟子停蘭亦斷魂看我金鱗三十六
為君一躍上龍門

朝熱

張季卿詩云甘傷青門學種瓜次其韻

赤帝乘龍駕火車晴空燒斷暮天霞流金燦石休相酷

少皞看看催戍瓜

三友亭

平山常有六客從游東館之集乃半不預其間非私故可議則炎涼世情之論

又殆不免異日盧子彰作亭于松竹江梅之間命曰三友因次其韻聊及前日之意蓋子

彰與李伯雲皆平山客也

老松疎竹間梅英三友如何獨擅名應是枇杷并檜栢
當時無力預同盟

青樓贈別

次甘州
老人韻

笛聲吹徹玉樓寒
金鴨香消更漏殘
含淚欲揮羞不敢
倩他銀燭向人彈

枕上吟

建邺曉
風聞角

畫角梅花吸曉寒
數聲清徹碧雲端
誰知有客愁無寐
一掬鄉心不奈酸

午枕

醉中呼童索
枕簟書窓間

三盃未醒復三盃
醉眼朦朧劈不開
急辦藤牀并竹枕

要隨蝴蝶到蓬萊

香篆

劉子源有香篆詩押灰字送至求和因次其韻

輕覆雕盤一擊開
星星微火自徘徊
還同物理人間事
歷盡崎嶇心始灰

兢齋雜詠

二十首

落花

東風吹恨上眉頭
兩岸桃花瞰碧流
一片紅雲飛不起
斷霞殘照落汀洲

宿溪上

夢回斜月掛林端
酒力初消怯夜寒
何處客舟猶未泊
一聲柔櫓過前灘

漁兒

無肉鷓鴣入水頻
雙童聯網立沙濱
問渠歸得魚多少
纔可為羹了一人

會王友

聯翩屐齒破苔痕
醉裏觥籌不計陳
來日不須關太史

五星今返聚甌閩

宿茅亭

投宿茅亭得夜涼
鷗班搖落奏篋簫
青簪擊破寒窻紙
漏得山花一線香

江濤

曉鐘搖動巨鼉堂
音振枕上春雷一夜轟
應是金鱗三十六
化龍頭角逞崢嶸

月夜吟

一聲殘角送黃昏獨倚闌干空斷魂竹影掃堦塵不動
自挨明月閉柴門

嘲染鬢者

萬事關心兩鬢秋柳灰何用苦文羞無情霜雪催年少
閒似青山猶白頭

早春

梅梢弄粉做新晴積雪殘雲沒一星只把眼前春事卜
麥坡已作佛頭青

憶西湖

十年南國嘆徘徊一片鄉心撥不開
應是西湖花柳問風流何事未歸來

問宿

紫騮回首客思歸萬里家山蝶夢迷
問宿莫來林下邸夜深生怕杜鵑啼

曉望

長天萬里掃清秋宿霧朝雲寸不留
向曉殘星猶未落

金史四庫全書
卷十
一盤棋子倩誰收

患瘡

前回風疾偏身紅布褐因燒
艷火烘兩腿熱瘡今又發
休將紙被把頭蒙

水禽

一曲漁歌古渡頭幾多鷗鷺起汀洲
西風吹散瑤池雪
點破長天萬里秋

獨宿

朔風號木作嚴霜錦被重重凍欲僵夜半脚跟疑已割
夢魂安得到高堂

幽居

獨自清閒獨自忙杳無人迹到蕭牆眠時不用呼童僕
自有清風為拂牀

送行

秋波春水照殘霞恨雨愁雲彈髻鷗飛上領襟隨得去
妾身安得似楊花

春思

東風吹恨入青樓。滿目春容總是愁。楊柳織成絲萬縷，
憑誰裁作翠茸裘。

小春

閩南十月已春回。無限風光暗裏催。桃李海棠俱鬪艷，
誰云梅是百花魁。

上巳

桃溪噴火柳拖烟。如豆青梅已半酸。燕子怯春歸未得，

一簾風雨杏花寒

朝賀將仕

二首○賀兄燕爾翠微紫
猷不克詣賀以詩謝之

花何太喜誰能賦
葉是良媒解寄詩
但覺人間傳盛事
不知天上集佳期

吾身西園拘猶少
君腹東牀坦已多
我欲屠牛窮建節
君從歡燕小登科

冬晴

次孫子
卿韻

臘月南州不類冬
梨花飄粉小桃紅
未曾飛動遙山雪

早有春三二月風

夢謫仙

夢駕白雲參謫仙
謫仙留賦白雲篇
醉將隻手拏虹筆
便扯青霄作彩牋

懷九江友人

久不見榮樵仲似聞已
罷釣線矣作詩評之

浪拍西風萬壑秋
幾多香餌落金鈎
無魚可釣渾閒事
留得絲綸在即休

翠微南征錄卷十

欽定四庫全書

翠微南征錄卷十一

宋 華岳 撰

七言絕句

漁父

廖叔陽漁父詩押花字求何明父和明父先送翠微翠微次韻還還叔陽明父不及

見也它日明父閨軸云老秋當退矣明父名于詩社嘆服如此

江村水落富魚鰕牛屬橋邊賣酒家
莫訝鬢邊新有雪
夜來沉醉宿蘆花

寄趙德夫

德夫雖入田幕卒不見用欲歸金陵復有徘徊之意作書見寄因以一絕

贅楮尾

男兒無路出邯鄲長鋏休從暗裏彈
是處有魚堪下釣扁舟何獨子陵灘

春閨雜詠

十首

問庖姬

溪館供庖獨有魚溪翁日日扣吾廬
兒童不問無錢買便拽鈴兒喚小厨

午枕

午簾風清帳自開日斜雙鼻尚鳴雷不知蝴蝶何方去
多少黃鸝喚不回

落花

石痕新褪落溪毛應是春流昨夜潮紅雨入簾衣不濕
玉人沾作鬢邊嬌

卷簾

眉帶遙山淡拂秋幾多春恨鎖重樓真珠半卷嬌無力

須索偎人為上鈎

酒醒

宿酒初醒午夢回不欣梳掠傍粧臺曲肱斜把香腮托
却訝荷花藕上開

雪獅兒

勸罷浮酥酒一卮殢人相伴塑獅兒却將凍手和衣拍
笑我金鈴用橘皮

醉歸

紅猊燒盡夜堂寒
銀燭生花玉漏殘
沉醉歸來渾不記
阿誰扶我上雕鞍

買盆池蓮

小甕栽成一把蓮
問渠邀價勒三千
主人不問成和否
移向西窗畫舫前

晚醉登樓

鳳簫吹斷古梁州
獨倚東風十二樓
醉把朱簾和露卷
恍疑新月是銀鈎

帶花

不整烏雲不畫眉天然標格自相宜
梅花羞對傍人挿背倚屏山捻一枝

夜有所聞

建邨夜不安枕隣壁復有激人之
聲思者書二十八字于窗以愧之

好風吹月上回廊花壓闌干子漏長
天籟不鳴天外竹披衣潛起聽鴛鴦

秋朝有感

翠微在建屋准荆淮諸司奏辟西
府初欲微發終沮于平原之令

十年版築嘆勤渠自笑青霄去路迂
昨夜高宗聞有夢

不知曾到傅巖無

聞有薦翠微者成二絕

二表呂布謾豺狼孟德仲謀那易量顧我未逢三顧主
空教徐庶下南陽

韜鈴鼎鼐本同倫後世人材自淺深相國若能擒項籍
漢壇應不薦淮陰

流螢

二首○池亭夜坐有星孛入燕翼之郊見
于冰鑑起占躔度渾儀按堵久之乃知廟

草之
光

誰將殘火曳流螢月黑星昏分外明
老眼年來困躔度
恍疑流彗入王城

前年天狗落京西千里生靈血染衣
子夜不知螢電過
復憂天外一星飛

早春十絕

譏貴公子

自嘆身如不繫舟幾年漂泊在南州
柳絲只解弄春色
不把紫光絆客愁

層樓

故山烟靄接層樓樓上離人淚欲流誰謂樓高添望眼
一層樓上一層愁

麥坡

雪滿遙山玉作堆幾多花柳望春回出門獨有平坡麥
一派生青熨不開

楮衾

夜來不敵楮衾多全勝吳綾與越羅好是玉人春睡起

金史四庫全書
卷十一
白雲堆裏見姮娥

酒家

青帝久不訪文姬樽酒慙慙翠微況醉不須籠畫燭
自挑明月送郎歸

梅山

十年不謁五通仙自嘆何時接聖顏此去行祠應不遠
白雲深處是梅山

水西

詩道風光在水西
水西我意未為奇
若教南北東溪去
更費詩人無限詩

梅

尋春不遇欲空歸
竹外橫斜拾一枝
且喜東君有消息
隔香應不怕疎籬

寄書

一書欲寫寄雲鬟
更把春衫裏素蠻
欲識相思誰最切
淚痕令作鷓鴣斑

自迷

蒼生千里望雲霓
何事英雄去路迷
見說九重新有夢
濟川人在此巖西

寄件判院

八首

其一

閒亭無日不相隨
稍不相隨恨別離
況是一秋無信息
可無人寄問安詩

其二

自慚兒女總江湖鴻鴈不來音訊疎且喜北堂珠玉眷
團團環誦道家書

其三

春諭空洞之音許以五百卷
為期今已倍蓰何尚杳然

天音空洞豈虛傳許我琅函誦半千何事加持功已倍
日邊消息尚茫然

其四

短牋封罷更重題生怕蒼頭去路迷說與不須多借問
葛盧秋在白雲西

其五

紅猊消盡水生花
清夜迢迢玉漏賒
環珮不知何處去
醉眠應是小卿家

其六

毫端風雨走蛟螭
人物風流冠一時
要向行雲問蹤跡
青樓何處沒新詞

其七

此去于門咫尺間
樽罍無計得躋攀
斷魂欲伴行雲去

猶恐歌喉誤小蠻

其八

錦牋牙軸白雲詞君外知音更有誰一榻何時對風雨

與君聯臂話相思

得金正將書

金暉本名金軍浙之四明人沿海為盜配隸池州牢城復結連徐三

沈二等叛囚池州陳揆池州毛智通欲盡棄市翠微止之改竄建安翠微有南征之役金

應募上邊作書為之邊帥續因沿淮立功見任定海正將暉識洋島苦波濤可充沿海鄉

導

八行黥墨笑金暉今亦提兵上海涯一介問安雖老畧
感恩猶勝李申之

莫出

翠微謫居建安郡太守以下皆迎合乎韓平原囚之囹圄自舍人張公提嶽閩嶠特

令自便丁卯邊帥屢辟入幕西府以權勢命不允至走有司尚有防閑之意

無事何須出短籬一關風月足朱扉幾回趺起芒鞋去
帶得閒愁無限歸

自喻呈趙潤夫

反舌禽之說說者過時則無聲

梁間燕子為喃喃故下珠簾未放還料得無聲如反舌

不應留落在人間

惜秋

二首○予聞宋玉悲秋之來予獨惜秋之去次李忠朝韻成惜秋

祝融噓火扇驕陽北陸迎寒釀雪霜安得金風專歲令
四時心地有清涼

詩到林頭落葉時眼前秋事已無幾何當領取秋容去
收拾詩囊帶得歸

上運管張平國

平國初任池陽西樓酒官

妙年司釀水邊州浪迹曾陪汗漫游紅粉夜嫌銀燭短

醉和明月下西樓

其二

次任池陽
銅官宰

大江南畔五松西
潘岳風流夢有詩
歸路經從定留挽
莫教父老見旌旗

其三

九子芙蓉上下雪
潭皆池陽山水名

雨洗芙蓉沃眼青
雪潭澄月照人明
銅民指點向民說
未比當年令尹清

其四

程廷老乃平國姪婿
居九華雙峯其號

雙峯十月客辭家
廷老相期下九華
檢早不逢陶靖節
喚船同過鯉魚沙

其五

紫樞黃閣總青氈
西掖東華墨尚鮮
何事

業

獨公蓮幕恁淹延

其六

平國尤善
筆法安國

閒將玉斧製羅紈
醉引龍蛇競筆端
流落

軸

綠窻俱作畫圖看

其七

野夫平國姪安國子路
漕管除龍舒守明年

武城三載促公歸自合班行列禁闌計幕暫參知有在
野夫曾此便橫飛

其八

朱顏綠鬢富春秋家世才華三總優不用鶴裘兼映雪
天然標格自風流

其九

雲衢從此喜通亨鳳閣鸞臺信脚行願把恩風散衆宇

盛栽桃李作門生

其十

英雄三載謫東南二月東風始放還馬瘦尚嫌歸路窄
願求屋上一青山


再還建上舊居

翠微嘉定乙巳仲春被命東歸是秋復准部符再還建上

門外梅花拔復栽回時春去去春回兒童拍手應相笑
歸去賈生今又來

羣鷗

一聲漁笛發中流
驚起平沙萬點鷗
去盡青天回欲集
梨花無數落汀洲



翠微南征錄卷十一